



UNIVERSITÄTS-  
BIBLIOTHEK  
PADERBORN

**De Ivre Sistendi, Et Manvum Iniectione, Qvam Vvlgò  
Arrestationem Vocant, Svccincta Explicatio**

**Peck, Pierre**

**Antverpiæ, 1589**

Quæ sit pœna eius qui se apparitorem esse simulat, cum non sit. Caput  
23.

---

[urn:nbn:de:hbz:466:1-63495](https://nbn-resolving.org/urn:nbn:de:hbz:466:1-63495)

hoc casu eueniente, certum Senatus respon-  
sum expectare: Pluraque de his, d. loco apud  
Boerium vide. Ad actionē iniuriarum quod  
attinet, nihil hæsitandum est; huiusmodi enim  
Apparitor per illicitam arrestationem & lu-  
dici & parti læsæ iniuriam facit. cap. ex parte,  
de verbo. sign.

Quæ sit pœna eius, qui se Apparito-  
rem esse simulat, cum non sit.

Caput 23.

*ARGUMENTA.*

*Nuncius falsus de falso tenetur.* nu. 1.

*Comitem, Doctorem, seu Magistratum se simulans  
cum non sit, falsi crimen contrahit.* nu. 2.

*Tabellionis officio fungens, qui nunquam Tabellio  
fuit, qua pœna puniatur.* nu. 3.

*Jurisdictionem non habens, sed habere simulans, quo  
modo puniatur.* nu. 4.

*Apparitores, ut plurimum maligni, infames, ac vi-  
les sunt.* nu. 5.

*Apparitor simulans se mandatum arrestandi ha-  
bere qua pœna teneatur.* nu. 6.

**A**NTIQUITAS nihil aliud existima-  
bat esse Deum; quàm prodesse morta-  
libus; ex quo prouerbiū natum est, Homo  
homini Deus. Sed quoniam paulatim abun-  
dare cepit iniquitas, & refrigescere charitas,  
ut est apud Mathæum 24. cap. Homo homini  
lupus factus est, milleque nocendi artes adin-  
uentæ sunt, quibus fraude & dolo, alter in al-  
terius fortunas irrumpat, & proximi honorē

Q V conuel-



conuellat; Quo pertinet sceleratū & detestandum hoc factum eorum qui sub auctoritate publica, quo pecuniam subdole emungāt, & ab imperitis hominibus, nescio quid extorqueant, simulant se Apparitores esse, cum nō sint, auctoritatemque & potestatem arrestandi, accepto ob eā causam salario, sibi vsurpāt. Memini paucis hinc diebus, misellum quendam & simplicē rusticum, eiu smodi lupo prædam fuisse, simulanti scilicet se Regium Apparitorem esse, eoque titulo innocentem illū hominem ad iniquissima quæque adigenti. Sed quæ sit huius tam nefarij facti pœna videamus. Et Vlpianus quidem, Qui nomine Prætoris, inquit, literas falsas reddidisse, dictūmve falsū proposuisse dicitur, ex hac causa actione pœnali in factum tenetur, quanquam legis Corneliæ reus sit. l. qui nomine. ff. ad l. Cornel. de fals. Sicut generaliter nuncius falsus, de falso tenetur, teste Bart. ibi. & Alex. ad l. Diuus. de custod. reor. Specul. de execut. versicul. sed quæritur. Iason ad §. quadrupli. Instir. de act. Felin. ad cap. tertio loco. de probat. & nominatim Matthæ. de Afflict. loquēs de eo qui simulat se esse Apparitorem Curia. In constitutio. regni, quæ incipit, Duram & diram. Et in simili, appellans se Comitem, Doctorem, Magistratum, cum non sit, actumque aliquē facit his congruentem tantum, non minus falsi crimen contrahit, quam si alienum sigillum aut nomen, cum alieno incommodo sibi vsurpasset, l. si quis. & ibi Doctor.



Doctor. C. de aquæduct. libro 11. ad cap. j. de  
magistrat. ad c. tam literis. de testib. l. vnica. C.  
de mendic. Valid. Chassan. ad consuetu. Burg.  
Des iustices & droictz. Rub. mesiers, ad verb.  
de leurs rapports. numer. 6. & 7. Grauius sanè 3  
Hypol. de Mars. ad l. eiusdem. col. 2. nu. 6. ad  
l. Cornel. de ficar. eum qui nūquam Tabellio  
fuit, si vt Tabellio instrumentum conficiat,  
morte plectendum esse, respondit. Iuxta sen-  
tentiam Bald. ad l. data opera. C. qui accus. nō  
poss. Ex quo dubia redditur Angeli opinio,  
ad l. si vacantia. C. de bon. vacant. libr. 10. exi-  
stimantis eum qui iurisdictionem non habet, 4  
sed simulat, pœnæ falsi obnoxium nō esse. E-  
go cum Modestino respondeo, huiusmodi si-  
mulatorem, pro admissi qualitate secundum  
l. Corn. de fals. grauissimè esse puniendum. l.  
eos. §. fin. ff. ad l. Cornel. de fals. licet hac in re  
opiniones Doctorum varient, & Senatus ipse  
Tholosanus quid constituendum esset, anxie  
dubitauit, vt apud Aufrerium decis. 401. vide-  
re licet. Et in hac quidem sententia etiam D.  
Damhouderium in Enchirid. rerum crimina.  
cap. 123. num. 10. fuisse video. Sed vt Appari- 5  
torum ipsorum malicia & infamis vita sæpe-  
numero abundat in Republica, quo nomine  
multum conqueritur Andreas de Iseruia, in  
constit. Neapolit. de assig. lit. citat. num. 5. in  
lectura peregrin. Suntque vt plurimum viles  
personæ, vt ait Robert. Marant. in tractat. de  
ord. iudic. part. 6. nu. 43. tit. de citat. Ita quoq;  
ad falsitatem non dissimilem, non raro decli-  
nant,



*De Iure Sistendi.*

nant, & mandatum arrestandi se habere iactant, falso & contra veritatem; vt hac mentita fide, à debitore mandatum veluti redimente, aliquid accipiant; Quod qui faciunt, proculdubio crimen concussionis contrahunt. l. j. ff. de concuss. & non solum ad quadrupli restitutionem obligati sunt, falsumq; committunt, sed & concussionis nomine etiam alias, criminaliter puniuntur. l. quod euitanda. ff. de condict. ob turpem causam. Iason ad d. §. quadrupli. Odofredus ad l. iubemus. C. ad l. Iuliam repet. Barto. ad l. j. C. de naucl. libr. 1. 1. text. & glo. in l. si quis concusserit. C. ad l. Iul. de vi. Vnde etiam in simili respondet Paris de Puteo in tract. de syndic. cap. 7. de Syndic. iudic. nume. 7. quod officialis qui, vt componat cum eo de cuius delicto nihil omnino constat, poenam minatur, tenetur iniuriarum: Et quod Iudices qui simulant se habere mandatum capiendi, torquendi, molestandi, idque falso, extra ordinem puniuntur, falsiq; admissi nomine tenentur.

De Apparitore metu, pecibus, vel sordibus corrupto, & arrestum non faciente. Caput 24.

*ARGUMENTA.*

- Luxuries & auaritia homines plerumque ad scelera adigunt.* nu. 1.  
*Metus omnis turpis est in Iudice.* nu. 2.  
*Iudex negligens aut iustitia non administrans grauius punitur.* nu. 3.  
*Appa*